



Autoridade Nacional do Petróleo

City 8 Compound, Rua Has-Laran, Aldeia Fomento II, Suco Comoro, Dom Aleixo, Dili, Timor-Leste
PO Box 113, Telephone: +670 73099995 / 73099996/73099997

ANÚNSIU PÚBLIKU KONA BA DEKLARASAUN ÁREA DEZENVOLVIMENTU KAMPU MINA-RAI KUDA-TASI NO JAHAL

Autoridade Nasional Petróleu (ANP) representa Ministériu Petróleu no Rekursu Minerais Timor-Leste asina eskritura ba altersaun Kontratu Fahe Produsaun (KFP) TL-SO-T 19-11 ho Finder Energy Pty Ltd no nia parseiru Timor Gap PSC 11-106 Unipessoal, Limitada iha loron 6 fulan Setembru tinan 2024 iha City 8 Dili Timor-Leste. Hafoin assina tiha eskritura ba alterasaun kontratu, Finder Energy Pty Ltd, nu'udar operador KFP nian, iha direitu tomak atu hala'o serbisu hodi peskija poténsialidade ba akumulasaun mina-rai no gás iha área kontratu refere. Finder Energy rasik iha kompromisu atu hala'o esplorasau iha tinan 3 nia laran ne'ebé kobre aspetu balun hanesan reprosesamentu ba dadus ikan 3D, estudu Jeolojia no jeofísica, estudu konseitu dezenvolvimentu, estudu FEED, no mos estudu komersiál no ekonómiku.


Iha loron 5 fulan-Fevereiru tinan 2026, Finder Energy submete karta formál ida ba ANP hamutuk ho nia dokumentu adisionál sira hodi **deklara deskobertamentu komersiál ba kampu mina-rai Kuda-Tasi no Jahal (KTJ)** no propoin área dezenvolvimentu atu nune'e bele hetan aprovasaun husi ANP. Aleinde ne'e, Finder Energy hatu'o mós ninia interese atu bele explora oportunidade *tie-back* hodi halo produsaun iha futuru ba kampu deskoberta sira seluk no mos rekursu potenciais sira ne'ebé besik iha KFP TL-SO-T 19-11 nia laran. ANP rasik hafoin halo avaliasaun ne'ebé rigorozu tuir regulamentu aplikavel sira no mós tuir Artigu 6 husi Lei No.6/2019 loron 4 fulan Dezembru, alterasaun daruak ba Lei No.13/2005, loron 2 fulan-Setembru, kona-ba Atividade Petrolifera, no mós Artigu 4 husi Dekretu Lei No. 62/2023, loron 6 fulan-Setembru, alterasaun terseiru ba Dekretu-Lei No. 20/2008 loron 19 fulan-Junu kona-ba estabelesimentu ANP, no mos Artigu 4.8 husi KFP nian, ho kontente hakarak anunsia katak ANP fó ona aprovasaun, nune **deklara área dezenvolvimentu ba kampu mina-rai KTJ** (hare aneksu I).

Hafoin hetan aprovasaun no deklarasaun ba área dezenvolvimentu, Finder Energy tenke apresenta Planu Dezenvolvimentu hodi bele hetan aprovasaun husi ANP ho nune'e parte kompañia bele hala'o kedas atividade dezenvolvimentu no produsaun. Iha tempu hanesan, ANP mos kompromete atu kontinua halo kolaborasaun nebe diak ho Finder Energy

nu'udar operador nomos nia parseiru sira, hodi bele asegura benefísiu komersiál no sosioekonomiku ba tempu naruk ba kontratantes sira no mos estadu Timor-Leste.

Aneksu I

Kampu Kuda-Tasi no Jahal nian área dezvoltimentu, ne'ebé fahe ba bloku no sub-bloku tuir *grid system*.



Remata